

宋槧太平御覽

御覽



備列其條以辨其微... 宜帝姓南國... 晉東岸... 今國... 符與于... 帝... 勸... 晉... 力... 精...

太平御覽卷第三百六十

人事部一

敘人 孕

敘人

釋名曰人仁也生物也

易下繫曰天地氤氲萬物化醇男女構精萬物化生醇厚

又敘卦曰有天地然後有萬物有萬物然後有男女有男女然後有夫婦。又說卦曰立人之道曰仁與義

尚書泰誓曰惟天地萬物父母惟人萬物之靈

禮記禮運曰何謂人情喜怒哀懼愛惡欲七者弗學而能何謂人義父慈子孝兄良弟悌夫義婦聽長惠幼順君仁臣忠十者謂之仁義講信脩睦謂之人利爭奪相殺謂之人患故聖人所以治人七情脩十義講信脩睦尚辭讓去



爭奪舍禮何以治之

又曰飲食男女人之大欲存焉死亡貧苦人之大惡存焉故欲惡者心之大端也人藏其心不可測度也美惡皆在其心不見其色也欲一以窮之舍禮何以哉故人者其天地之德陰陽之交鬼神會五行之秀氣也故人者天地之心也五行之端也食味別聲被色而生者也此言兼氣性之効也又樂記曰人生而靜天之性也感於物而動性之欲也物至知知然後好惡形焉

左傳昭二年鄭子產曰人生始化曰魄魄形既生魄陽曰

魂陽神用物精多則魂魄彊物權是以有精爽至于神明

爽明也

春秋元命苞曰五氣之精交聚相加以迎陽道故人致和

五氣五行之氣○又曰陰陽之性以一起人副天道故生一子

又曰天人同度正法相授天垂文象人行其事謂之教教之為言效也上為下效道之始也

又曰仁者情志好生愛人故其為仁以人其立字二人為

仁二人言不專於己念施與也

又曰聖人一其德智者循其轍長生久視一其德言盡得

循其轍言不違其帝所尚也知是則皆得長生久視言所行當天地不以命制則愚者悖慢

智者無所施其術殘物逆道天不殺故立三命以垂策所

以尊天一節三者法三道之術不以命制愚慢之人則賢

命者天之令也所受於帝行正不過得壽命壽命正命也

起九九八十一帝天帝也八十一有隨命隨命者隨行為

命也援神契曰隨者虐天道常善有遭命遭命者行正不

謀逢世殘賊君上逆亂辜咎下流火譴並發陰陽散忤暴

氣雷至滅日動地天絕人命沙鹿襲邑是也忤錯也襲猶



沙鹿之邑曰博州天齊人命也 春秋孔演圖曰正氣為帝間氣為臣宮商為姓秀氣為人

正氣謂若木人則得蒼龍之形靈威服之氣火人得朱鳥

之形赤熒怒之氣以生之比也間氣則不苞一行各受一

星以生若蕭何感昂精樊噲 又繁露曰唯人獨偶天地人有三百六十節偶天之數形

體骨肉偶地之厚上有耳目聰明日月之象也體有空竅

理脉川谷之象也心有哀樂喜怒神氣之類也故小節三

百六十六副日數也大節十二分副月數也內有五藏副

五行數也外有四肢副四時數也乍視乍瞑副晝夜也乍

柔乍剛副冬夏也乍哀乍樂副陰陽也

樂動聲儀曰中元者人氣也氣以定萬物通於四時者也

爾雅曰太平之人仁東至日所出為太平丹穴之人智距齊州以南

太蒙之人信西至日所入為大蒙崆峒之人武

孝經曰天地之性人為貴人之行莫大於孝

家語曰魯哀公問於孔子曰人之命與性何謂也孔子對

曰分於道謂之命始得為人故下句形於一謂之性各

受陰陽剛柔之化於陰陽象形而發謂之生化窮數盡謂

之死故命者性之始也死者生之終也有始則必有終矣

人始生而不具者有五焉目無見不能食不能行不能言

不能化及生三月而微煦煦晴轉也然後有見八月生齒然後

能食莽而生臙然後能行三年顙合然後能言十有六而

精通然後能化陰窮反陽故陰以陽變陽窮反陰故陽以

陰化是以男子八月生齒八歲而亂十有六而化女子七

月生齒七歲而亂十有四而化一陰一陽奇偶相配易數



息土之人美坻土之人醜坻字也細土細保蟲三百六十而人為之長  
 又曰孔子遊太山見榮啓期鹿裘帶索鼓琴而歌孔子問曰先生所以為樂者何也對曰吾樂甚多天生萬物唯人為貴而吾得為人是一樂男尊女卑吾得為男是二樂人生有不見日月不免繼祿者吾已行年九十是三樂也貧者士之常死者人之終處常得終當何憂哉  
 又曰人有五儀有庸人有士人有君子有賢人有聖人審此五者則理道畢矣  
 漢書曰司馬遷曰凡人所以生者神也所託者形也神大用則竭形大勞則弊神離則死死不可復生離者不可復返故聖人重之  
 醫子曰天地闢萬物生人為正焉人化而為善禽獸化而

為惡人而不善者謂之禽獸

老子曰人法地地法天天法道道法自然

文子曰人之情欲平嗜慾亂之精氣為人人受天地變化

而生一月而膏初生形骸如膏脂二月而脉漸生筋脉三月而脉脉也三

龍狀也四月而胎如水中蠅五月而筋氣積而成筋六月成骨

血化肉肉化脂脂化骨七月成形四肢成八月而動動作九月而躁動數

如十月而生形骸乃成五藏乃形

又曰昔者中黃子曰天有五行地有五方聲有五音物有

五味色有五章人有五伍五伍二十五故天地之間有二

十五等人上伍有神人真人道人至人聖人次伍有德人

賢人智人善人辯人中伍有公人忠人商人平人直人下

伍有家人奴人愚人視肉人小人上伍之與下伍猶人之

與牛馬也。又曰智出於萬人者謂之俊百人者謂之傑



十人者謂之豪。○列子曰戴髮含齒倚而趨謂之人  
管子曰人水也男女精合而水流形二月而阻阻者五味  
也五味是五藏酸生脾鹹生肺辛生腎苦生肝甘生心藏  
已具而後生五肉脾生髓肝生骨腎生筋肺生革心生肉  
肉已具然後生九竅脾為鼻肝為目腎為耳肺為口心為  
下竅五月而成十月而生  
淮南子曰古未有天地之時惟象無形窈窈冥冥鴻洞莫  
知其門有二神經營天地二神陰陽之神也於是乃別陰陽離為  
八極剛柔相成萬物乃形煩氣為蟲精氣為人是故精神  
天之有也骨骸地之有也精神入其門而骨骸反其根  
又曰言無常是行無常宜者小人也察於一事通於一技  
者中人也若覆而并有之技能而裁使之者聖人也裁制其技能而裁制使之也

又曰故頭之圓也象天足之方也象地天有四時五行九  
解九解者八三百六十六日人亦有四肢五藏九竅三百  
六十骨節天有風雨寒暑人亦有取與喜怒故膽為雲脾  
為風腎為雨肝為雷以與天地相參也而心為之主是故  
耳目者日月也  
公孫尼子曰人有三百六十節當天之數也形體有骨肉  
當地之厚也有九竅脉理當川谷也血氣者風雨也  
白虎通曰男女者何謂男者任也任功業也女者如也如  
從人也  
風俗通曰天地初開未有人女媧搗黃土為人力不暇乃  
引絙於泥中以為人富貴黃土人也貧賤凡庸絙人也  
人物志曰夫精欲深微質欲懿重志欲弘大心欲謙小精  
微所以入神妙也麗則質重所以崇德宇也躁則志大所



以堪任物也小則不勝小心所以慎咎悔也大則由此論之心

小而志大者豪傑之俊也心大而志小者傲蕩之類也志

小而志小者拘悞之人也黃土人壯貧難

任子曰木氣人勇金氣人剛火氣人強而躁土氣人智而

寬水氣人急而賊

傅子曰人之性如水焉置之圓則圓置之方則方澄之則

淳而清動之則流而濁

易漸卦曰鴻漸于陸夫征不復婦孕不育凶王弼注曰夫

夫而孕故不育○尚書泰誓曰商王受焚炙忠良剗剔孕婦

左傳僖中曰晉惠公之在梁也梁伯妻之梁嬴孕過期

招父與其子卜之其子曰將生一男一女招曰然男為人

臣女為人妾故名男曰圉女曰妾及于圉西質妾為宦女

焉

大戴禮曰周后任成王於身立而不跛坐而不差獨處不

倨雖怒不詈胎教之謂也書之玉版藏之金匱置之宗廟

為後世戒

史記曰后稷名弃母有邰氏女曰姜嫄為帝嚳元妃出野

見巨人跡心說顧之乃踐之身動如孕者居期而生后稷

又曰秦之先顓頊之苗孫曰女脩玄鳥墮卵脩取吞之有

孕生子大業

又曰昔夏后氏之將衰也有二龍止於夏庭龍亡絜在楨

而藏之至周厲王發而觀之絜化為玄黿入王後宮官妾

未亂而遭之既笄而孕無夫而生子懼而弃之即褒姒也

漢書曰張倉妻妾百數嘗孕者不復幸

又曰鈞弋夫人懷昭帝十四月乃生上以堯十四月而生



今鈎弋亦然乃命門曰堯母門

又曰初王禁妻李親任政君在身夢月入其懷

范曄後漢書曰鮮卑檀石槐者其父投鹿侯初從匈奴軍

三年其妻在家生子投鹿侯怪欲殺之妻言嘗行聞雷震

仰天視而雹入口因吞遂任身十月而產子

又曰靈帝王美人任娠畏何后乃服藥欲除之而胎安堅

終自不動又夢見負日而行四年乃生皇子協后遂醜殺

美人帝大怒欲廢后諸宦官固請得止董太后自養協號

董侯

東觀漢記曰張奐為武威太守其妻懷孕夢見帶奐印綬

登樓而歌乃訊之於占者曰必生男復臨茲邦命終此樓

既而生猛以建安中為武威太守殺刺史邯鄲商州兵圍

之急猛恥見擒乃登樓自焚而死

魏略曰昔北方有高離國者其王侍婢有身王欲殺之婢

云有氣如雞子來下我故有身後生子王捐之於溷中豬

以喙噓之徙於馬欄中馬以氣噓之王疑以為天生乃令

其母收畜之名之曰東明帝令牧馬東明善射王恐其奪

國欲殺之東明走至淹水以弓擊水魚鱉浮為橋東明因

得渡魚鱉散追兵不得渡東明因都王夫餘之地也

又曰黃牛羌種孕身六月生

吳錄曰武烈皇帝姓孫名堅字文臺母有身夢腸繞吳閭

門

又曰長沙相王名策字伯符武烈長子母吳氏有身夢月

入懷

晉書曰賈后酷虐以戟擗諸宮人孕子皆隨刃而死

晉陽秋曰初太宗諸子繼天諸姬絕孕令扈謙卜繇云後



房當有女誕三男一女終大盛於是盡出後宮及諸婢悉見之織坊中有一人色黑宮人謂之崑崙相者驚曰此是也帝以大計幸之生烈宗

車頻秦書曰符堅母苟氏浴漳水經西門豹祠歸夜夢若有龍蛇感已遂懷孕而生堅

三國典略曰周太祖字文泰之母曰王氏初孕五月夜夢抱子昇天纔不至而止寤以告德皇帝皇帝喜曰雖不至天貴亦極矣

列子曰思士不妻而感思女不夫而孕后稷生乎巨跡伊尹生乎空桑

莊子曰舜之治天下使民心競民孕婦十月而生子子生五月而能言教之速不至乎孩而始誰誰者別人之意未孩已擇人言競教速成則始又有天矣

呂氏春秋曰有侏氏女子采桑得嬰兒于空桑之中獻之其君察其所以然曰其母居伊水之上孕夢有神告之曰曰出水而東走母顧明日視曰出水告其隣東走十里而顧其邑盡為水身因化為空桑伊尹母化也

淮南子曰孕婦見兔其子缺脣見麋而子必四目帝王世紀曰庖犧氏風姓也母曰華胥燧人之代有大迹出雷澤胥履之生庖犧

又曰帝堯陶唐氏祁姓也母曰慶都孕十四月而生堯於丹陵名曰放勳

遁甲開山圖榮氏解曰女狄暮汲於石紐山下大祠前水中得月精如雞子愛而含之不覺而吞遂有身十四月而生夏禹

括地圖曰大人國其民孕三十六年而生兒生兒長大能



乘雲蒸龍類去會稽四萬六千里

外國圖曰方丘之上暑濕生男子三十而死其潢水婦人

入浴出則乳矣是去九疑二萬四千里

列女傳曰簡狄者帝嚳之次妃也妃有娥氏之女與姊妹

浴於玄丘水之上有玄鳥銜卵而墜五色甚好相與競取

之簡狄得而吞之有孕遂生契先結切

又曰大任者文王之母性專一及其有身目不視惡色耳

不聽惡聲口不出惡言以胎教也

會稽先賢傳曰吳侍中闕澤字德潤在母胞八月叱聲震

外

蜀郡記曰諸山夷獠子任七月生生時必臨水兒出便投

水中浮則取養沈乃弃之

華他別傳曰甘陵相夫人有胎六月腹痛十餘日大極請

他視脉他日有兩胎一已死便手摹其胎在左男也在右

女也右死即為湯下之便愈

洞冥記曰東方朔母田氏寡居夢太白星臨其上因有娠

田氏歎曰無夫而娠人將棄我乃移向代都東方里為居

五月旦生朔因以所居里為氏朔為名

博物志徐君宮人有娠而生郊以為不祥棄於水濱獨狐

母有犬名鵠倉獵於水濱得所棄郊銜以來歸獨孤母以

為異乃覆燻之遂成兒兒生而偃故以為名徐君宮中間

之乃更錄取長而仁智襲君徐國後鵠倉臨死生角而九

尾實黃龍也偃王葬之徐界中今見有狗壟

又曰婦人任娠不欲見醜惡物異鳥獸食亦當避異常味

不欲令見熊虎豹射御食牛心白犬肉鯉魚頭正席而坐

割不正不食聽誦詩書諷脉之聲不聽淫聲不視邪色以



此產子子賢明端正壽考所謂胎教之法也哉婦人妊娠  
 異苑曰瞽瞍生舜徵在生孔子其有胎教也哉婦人妊娠  
 未滿三月著葷冠衣平且左繞井三匝映井水照見影而  
 去勿返顧勿令葷見必生男  
 又曰魏興李宣妻樊氏義熙中懷任過期不孕而額上有  
 創兒穿之以出長為將今猶存名胡兒  
 又曰太原温盤石母懷身三年然後生墮地便坐而笑髮  
 覆面牙齒皆具  
 續搜神記曰表真在豫州遣妓女紀陵送阿薛阿郭阿馬  
 三妓與栢宣武至經時三人半夜共出庭前觀望忽見一  
 流星夜從天直墮盆水中罔然明淨薛郭二人更以瓢酌  
 水皆不得阿馬最後取星正入瓢中便飲之即覺有娠遂  
 生栢南郡

幽明錄曰譙郡胡馥之娶婦李氏十餘年無子而婦卒哭  
 慟云竟無遺體遂喪此酷何深婦忽然起坐曰感君藏悼  
 我不即朽君可瞑後見就依平生時陰陽當為君生一男  
 語畢還卧馥之如言不取燈燭暗而就之交接後歎曰亡  
 人亦無生理可別作屋見置瞻視滿十月然後殯尔來覺  
 婦身微暖如未亡既及十月果生一男男名靈產  
 論衡曰后稷之母衣帝嚳之服坐息帝嚳處而任身  
 又曰傳言黃帝任二十月而生生而神靈弱而能言  
 語林曰張衡之初死蔡邕母始孕此二人才貌相類時人  
 云邕是衡之後身







